

Tarikh Dibaca: 15 April 2016

KHUTBAH JUMAAT

Tajuk:

“RUMAHKU SYURGAKU”

***Terbitan:
Unit Khutbah
Bahagian Pengurusan Masjid
JABATAN AGAMA ISLAM SELANGOR***



SENARAI AHLI JAWATANKUASA KHUTBAH NEGERI SELANGOR 2016

- 1. SS. Dato' Haji Haris Bin Kasim (Pengerusi)
Pengarah Jabatan Agama Islam Selangor**
- 2. Tuan Haji Ahmad Zaki Bin Arsad (Timbalan Pengerusi)
Timbalan Pengarah Jabatan Agama Islam Selangor**
- 3. SS. Dr. Haji Anhar Bin Haji Opir (Ahli)
Timbalan Mufti, Jabatan Mufti Negeri Selangor**
- 4. Tuan Haji Idris Bin Ramli (Setiausaha)
Ketua Penolong Pengarah, Bahagian Pengurusan Masjid, JAIS**
- 5. Yg. Berbahagia Prof. Madya Dr. Osman Bin Sabran (Ahli)**
- 6. Tuan Haji Sianid Bin Mokim (Ahli)**
- 7. Tuan Haji Hamid Bin Md Isa (Ahli)**
- 8. Tuan Haji Md. Sahari Bin Abdullallah (Ahli)**
- 9. Tuan Haji Abdul Halem Hapiz Bin Salihin (Ahli)**
- 10. Ustaz Muhammad Farhan Bin Wijaya (Ahli)
Imam Besar Masjid Sultan Salahuddin Abdul Aziz Shah**
- 11. Ustaz Indera Shahril Bin Mohd Shahid (Ahli)
Majlis Agama Islam Selangor**
- 12. Ustaz Hairol Azmi Bin Khairudin (Urusetia)
Penolong Pengarah Unit Khutbah, BPM, JAIS**



“RUMAHKU SYURGAKU”

الْحَمْدُ لِلَّهِ الْقَائِلِ: وَمِنْ ءَايَاتِهِ أَنْ خَلَقَ لَكُمْ مِنْ أَنْفُسِكُمْ أَزْوَاجًا لِتَسْكُنُوا إِلَيْهَا وَجَعَلَ بَيْنَكُمْ مَوَدَّةً وَرَحْمَةً إِنَّ فِي ذَلِكَ لَآيَاتٍ لِقَوْمٍ يَتَفَكَّرُونَ ﴿٢١﴾

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ. أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ، أَوْصِيَكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ. قَالَ اللَّهُ تَعَالَى: يَأَيُّهَا الَّذِينَ ءَامَنُوا اتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا وَأَنْتُمْ مُسْلِمُونَ.



Sidang Jumaat yang dirahmati Allah sekalian,

Marilah kita meningkatkan ketaqwaan kita kehadiran Allah SWT dengan mentaati segala perintah-Nya dan meninggalkan segala larangan-Nya. Mudah-mudahan kita tergolong di kalangan orang-orang yang berjaya di dunia dan akhirat.

Insyaallah, khutbah pada hari ini akan membicarakan berkenaan rajuk **"RUMAHKU SYURGAKU"**.

Hadirin sidang Jumaat yang dikasihi,

Sesungguhnya telah menjadi fitrah manusia menginginkan sebuah kehidupan keluarga yang bahagia yang disebut-sebut sebagai Rumahku Syurgaku. Berkahwin dan hidup berkeluarga dengan bahagia adalah satu sunnah yang amat dituntut dalam syariat Islam.

Namun pada hakikatnya, berapa ramai di antara kita yang benar-benar memahami erti Rumahku Syurgaku dan berusaha untuk memastikan matlamat tersebut tercapai?

Sidang hadirin yang berbahagia sekalian,

Istilah "Rumahku Syurgaku" boleh difahami sebagai sebuah kehidupan keluarga yang bahagia dengan setiap ahli keluarga memainkan peranan di samping menjaga hubungan dengan Allah SWT agar keluarga itu mendapat rahmat dan keredhaan-Nya. Kesan daripada pengertian tersebut, maka perlulah kita fahami bahawa Rumahku Syurgaku itu mempunyai ciri-ciri seperti berikut;

- i. Keluarga yang dibina dengan asas akidah yang benar.**



Akidah adalah akar tunjang utama dalam membina keluarga yang bahagia. Akidah yang benar melalui pengakuan hati bahawa Allah SWT adalah Tuhan yang Esa dan Nabi Muhammad SAW adalah nabi-Nya akan menjadikan setiap ahli keluarga berusaha menjadi hamba-Nya yang benar benar taat dalam melaksanakan perintah-Nya dan meninggalkan segala larangan-Nya, ini bertepatan dengan firman Allah SWT di dalam Surah Azzariat ayat 56:

وَمَا خَلَقْتُ الْجِنَّ وَالْإِنْسَ إِلَّا لِيَعْبُدُونِ ﴿٥٦﴾

"Dan (ingatlah) Aku tidak menciptakan jin dan manusia itu melainkan untuk mereka menyembah dan beribadat kepada-Ku".

ii. Keluarga yang menghidupkan suasana ibadah secara istiqamah.

Melaksanakan ibadah sama ada yang wajib atau sunat dalam kehidupan berkeluarga amat penting. Ini adalah kerana ibadah yang dilakukan dengan ikhlas akan menjadikan seseorang mempunyai jiwa yang tenang, sentiasa redha dengan ketentuan-Nya dan terus istiqamah dalam menjadikan rumahtangga yang dibina diberkati Allah SWT.

Hadis daripada Sufian Bin Abdullah As-Thaqafi bahawa Rasulullah SAW bersabda;

قُلْ: آمَنْتُ بِاللَّهِ ثُمَّ اسْتَقِمِ

"Katakanlah; "aku beriman kepada Allah, kemudian hendaklah engkau beristiqamah (dengan Islam)".



(Riwayat Muslim).

iii. Keluarga yang sentiasa bertanggungjawab dan berakhlak mulia.

Setiap ahli keluarga sama ada ibubapa dan anak-anak hendaklah sentiasa berakhlak mulia. Seorang bapa sentiasa mencari nafkah yang halal, memimpin keluarga dengan adil, tegas dalam mendisplinkan anak-anak. Seorang ibu pula hendaklah sentiasa berlemah lembut dengan anak-anak, membantu suami dalam pengurusan keluarga dan mendidik anak-anak berakhlak dengan akhlak yang mulia. Seorang anak pula hendaklah sentiasa mengasihi dan menghormati ibubapa, janganlah melakukan perbuatan derhaka terhadap mereka, sebaliknya hendaklah sentiasa mendoakan kebaikan dan kesejahteraan untuk mereka di dunia dan akhirat.

Hadis daripada Saidatina Aisyah RA bahawa Rasulullah SAW bersabda yang bermaksud;

"Sesungguhnya lelaki mukmin yang sempurna imannya ialah mereka yang baik tingkah lakunya dan lemah lembut terhadap isteri dan anaknya".

(Riwayat at- Tirmizi).

iv. Keluarga yang sentiasa menjaga hubungan baik dengan masyarakat.

Menjaga hubungan baik dengan masyarakat juga perlu diambil kira kerana tidak mungkin seseorang itu akan selamanya hidup bersendirian. Setiap keluarga hendaklah sentiasa bermuasyarah dan bermuamalah dengan ahli masyarakat sekeliling seperti saling kenal mengenali, saling hormat menghormati, tolong menolong, menjauhkan diri daripada melakukan perkara-perkara yang boleh menyebabkan perpecahan dikalangan



masyarakat atau pun jiran. Yakinlah semua itu akan memberikan kesan yang lebih baik dalam kehidupan kita berkeluarga.

Firman Allah SWT dalam Surah ali-Imran ayat 112;

ضُرِبَتْ عَلَيْهِمُ الذَّلِيلَةُ أَيْنَ مَا ثُقِفُوا إِلَّا بِحَبْلٍ مِّنَ اللَّهِ
وَحَبْلٍ مِّنَ النَّاسِ وَبَاءُ وَبِغْضٍ مِّنَ اللَّهِ وَضُرِبَتْ عَلَيْهِمُ
الْمَسْكَنَةُ ذَٰلِكَ بِأَنَّهُمْ كَانُوا يَكْفُرُونَ بِعَايَتِ اللَّهِ
وَيَقْتُلُونَ الْأَنْبِيَاءَ بِغَيْرِ حَقِّ ذَٰلِكَ بِمَا عَصَوْا وَكَانُوا
يَعْتَدُونَ ﴿١١٢﴾

"Mereka ditimpakan kehinaan (dari segala jurusan) di mana sahaja mereka berada, kecuali dengan adanya sebab dari Allah dan adanya sebab dari manusia. dan sudah sepatutnya mereka beroleh kemurkaan dari Allah, dan mereka ditimpakan kemiskinan (dari segala jurusan). Yang demikian itu, disebabkan mereka sentiasa kufur ingkar akan ayat-ayat Allah (perintah-perintah-Nya), dan mereka membunuh Nabi-nabi Dengan tiada alasan Yang benar. semuanya itu disebabkan mereka derhaka dan mereka sentiasa mencerobohi (hukum-hukum Allah)".

v. Keluarga yang bijak menyelesaikan permasalahan yang berlaku.

Lumrah kehidupan manusia, suka dan duka, ketawa dan gembira, berduka cita, pasti akan dilalui oleh setiap manusia dalam melayari



kehidupan berkeluarga, namun setiap manusia hendaklah menerimanya dengan hati yang terbuka sebagai ujian daripada Allah SWT. Ahli keluarga sewajarnya mengadakan perbincangan untuk menyelesaikan setiap permasalahan yang berlaku dengan baik kerana tanpa penyelesaian segera, ianya pasti akan menyebabkan permasalahan yang berterusan. Ini sudah tentu menyukarkan suasana bagi mewujudkan keluarga yang bahagia.

Firman Allah SWT dalam surah ali-Imran ayat 159;

فِيمَا رَحْمَةٍ مِّنَ اللَّهِ لِنْتَ لَهُمْ وَلَوْ كُنْتَ فَظًّا غَلِيظًا
الْقَلْبِ لَأَنْفَضُوا مِنْ حَوْلِكَ فَاعْفُ عَنْهُمْ وَاسْتَغْفِرْ لَهُمْ
وَشَاوِرْهُمْ فِي الْأَمْرِ فَإِذَا عَزَمْتَ فَتَوَكَّلْ عَلَى اللَّهِ إِنَّ اللَّهَ
يُحِبُّ الْمُتَوَكِّلِينَ

"Maka dengan sebab rahmat (yang melimpah-limpah) dari Allah (kepadamu wahai Muhammad), Engkau telah bersikap lemah-lembut kepada mereka (sahabat-sahabatmu), Kalaulah Engkau bersikap kasar lagi keras hati, tentulah mereka akan menjauhkan diri daripada engkau. Oleh itu maafkanlah mereka (mengenai kesalahan yang mereka lakukan terhadap engkau), dan mohonkanlah keampunan bagi mereka, dan bermesyuaratlah dengan mereka dalam urusan (peperangan dan permasalahan keduniaan) itu. Kemudian apabila engkau telah berazam (sesudah bermesyuarat, untuk membuat sesuatu) maka bertawakallah kepada Allah, sesungguhnya Allah mengasihi orang-orang yang bertawakal kepada-Nya".

Muslimin yang dirahmati Allah,



Sebagai kesimpulannya, mimbar jumaat ingin menjelaskan sekali lagi, pembinaan keluarga yang dikatakan Rumahku Syurgaku hendaklah melalui beberapa perkara seperti berikut;

1. Umat Islam hendaklah memastikan perkahwinan yang ingin ditempuhi oleh setiap pasangan hendaklah diniatkan kerana Allah SWT dan mengikut Sunnah Nabi Muhamad SAW agar ianya dikira sebagai ibadah.
2. Setiap ahli keluarga iaitu suami (bapa) isteri (ibu) dan anak hendaklah memahami dan melaksanakan tanggungjawab masing-masing dengan sebaiknya agar wujud rasa tanggungjawab dan kasih sayang yang mendalam di kalangan ahli keluarga.
3. Setiap anggota keluarga hendaklah menghidupkan suasana agama dalam kehidupan seharian dengan memelihara akidah, syariat dan akhlak Islam agar Allah SWT akan melimpahkan rahmat-Nya ke dalam keluarga kita.
4. Anggota keluarga perlu sentiasa bergaul mesra dengan masyarakat sama ada Islam atau pun bukan dengan mengukuhkan rasa saling hormat menghormati, saling berziarah ketika sihat ataupun sakit, bergotong royong dan sebagainya agar perasaan kasih sayang dengan masyarakat dapat diterapkan ke dalam jiwa setiap ahli keluarga.

أَعُوذُ بِاللَّهِ مِنَ الشَّيْطَانِ الرَّجِيمِ



قُلْ إِنْ كُنْتُمْ تُحِبُّونَ اللَّهَ فَاتَّبِعُونِي يُحْبِبْكُمُ اللَّهُ
وَيَغْفِرْ لَكُمْ ذُنُوبَكُمْ وَاللَّهُ غَفُورٌ رَحِيمٌ ﴿٣١﴾

"Katakanlah (Wahai Muhammad): "Jika benar kamu mengasihi Allah maka ikutilah daku, nescaya Allah mengasihi kamu serta mengampunkan dosa-dosa kamu. dan (ingatlah), Allah Maha Pengampun, lagi Maha Mengasihani".

(Surah ali-Imran: 31).

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ،
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ
الْحَكِيمِ وَتَقَبَّلَ مِنِّي وَمِنْكُمْ تِلَاوَتَهُ، إِنَّهُ هُوَ
السَّمِيعُ الْعَلِيمُ.

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي
وَلَكُمْ وَلِسَائِرِ الْمُسْلِمِينَ وَالْمُسْلِمَاتِ،
فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.



KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا
شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ
وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى
يَوْمِ الدِّينِ. أَمَّا بَعْدُ، فَيَا عِبَادَ اللَّهِ، اتَّقُوا اللَّهَ ،
أَوْصِيكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ.

Sidang Jumaat yang dirahmati Allah SWT,

Mimbar Jumaat sekali lagi berpesan bahawa Islam mengajar kita supaya bersikap sederhana dalam segala amalan. Pada masa yang sama kita juga disaran supaya menjauhi sebarang bentuk fahaman sesat dan perbuatan ekstrem yang kesannya akan menjejaskan keharmonian, perpaduan dan keselamatan ummah dan Negara. Kita amatlah dituntut agar menampilkan kemuliaan akhlak, sikap dan keperibadian tinggi kerana Rasulullah SAW diutus untuk menyempurnakan akhlak dan sebagai rahmat bagi seluruh umat dan sekalian alam.



إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا
الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا. اللَّهُمَّ
صَلِّ وَسَلِّمْ عَلَى سَيِّدِنَا وَمَوْلَانَا مُحَمَّدٍ سَيِّدِ
الْمُرْسَلِينَ وَارْضَ اللَّهُمَّ عَنْ أَصْحَابِهِ وَقَرَابَتِهِ
وَأَزْوَاجِهِ وَذُرِّيَّاتِهِ أَجْمَعِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ
وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ
قَرِيبٌ مُجِيبُ الدَّعَوَاتِ وَيَا قَاضِيَ الْحَاجَاتِ.
اللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ،
وَنَسْأَلُكَ بِأَسْمَائِكَ الْحُسْنَى وَصِفَاتِكَ الْعُظْمَى
أَنْ تَحْفَظَ بَعَيْنِ عِنَايَتِكَ الرَّبَّانِيَّةِ وَبِحِفْظِ وَقَايَتِكَ
الصَّمَدَانِيَّةِ، جَلَالَةَ مَلِكِنَا الْمُعَظَّمِ سُلْطَانَ
سَلَاطُونَ، سُلْطَانَ شَرَفِ الدِّينِ ادریس شاه



الحاج ابن المرحوم سلطان صلاح الدين عبد
العزیز شاه الحاج. اللَّهُمَّ أَدِمِ الْعُونَ وَالْهَدَايَةَ
وَالْتَوْفِيقَ، وَالصِّحَّةَ وَالسَّلَامَةَ مِنْكَ، لِيَوْلِيَ عَهْدِ
سَلَاغُورَ، تَعَكُّو أَمِيرَ شَاهِ ابْنِ السُّلْطَانِ شَرَفِ
الدِّينِ ادريس شاه الحاج في أَمْنٍ وَصَلَاحٍ وَعَافِيَةٍ
بِمَنْكَ وَكَرَمِكَ يَا ذَا الْجَلَالِ وَالْإِكْرَامِ. اللَّهُمَّ أَطِلْ
عُمَرَهُمَا مُصْلِحِينَ لِلْمُوظَّفِينَ وَالرَّعِيَّةِ وَالْبِلَادِ،
وَبَلِّغْ مَقَاصِدَهُمَا لِطَرِيقِ الْهُدَى وَالرَّشَادِ.

Ya Allah, Engkaulah Tuhan yang Maha berkuasa, kami bersyukur kehadiran-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkukuhkan negara umat Islam khususnya negeri Selangor, sebagai negeri yang maju, sejahtera dan berkebakikan dibawah naungan dan pimpinan raja kami sebagai ketua agama Islam di negeri ini.

Justeru kami pohon kehadiran-Mu ya Allah, tetapkanlah iman kami, terimalah amalan kami, kukuhkanlah perpaduan kami, luaskanlah rezeki kami, kayakanlah kami dengan ilmu yang bermanfaat, suburkanlah jiwa kami dengan budi pekerti yang mulia, kembalikanlah kami ke jalan yang Engkau



redhai, lindungilah kami daripada bala bencana dan ujian-Mu yang berat supaya dengan demikian, negeri kami akan sentiasa bertambah makmur dan berkat.

Ya Allah, kami pohon kehadiranmu, mantapkanlah pegangan kami menurut ajaran Ahli Sunnah Waljamaah dan peliharalah kami daripada amalan dan akidah yang menyeleweng dan sesat seperti fahaman Syiah, Qadyani serta lain-lain fahaman.

Ya Allah, bukannya hati kami untuk mendirikan solat fardhu lima waktu, menunaikan zakat dan kefarduan yang lain serta mewakafkan dan menginfakkan harta khususnya untuk Perbadanan Wakaf Negeri Selangor (PWS) dan Tabung Amanah Pembangunan Islam Selangor (TAPIS). Dengan amalan ini ya Allah, berkatilah hidup dan luaskanlah rezeki kami dengan ganjaran pahala yang berkekalan hingga ke hari akhirat.

رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةَ أَعْيُنٍ
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا
حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ. عِبَادَ
اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي
الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبَغْيِ
يَعِظُكُمْ لَعَلَّكُمْ تَذَكَّرُونَ ﴿٩٠﴾



فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُواهُ عَلَىٰ
نِعْمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.